

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01- 45-7654/23

**ZAPISNIK
S TRIDESETDRUGE SJEDNICE
GRADSKOG VIJEĆA ZENICA
održane 30. MARTA 2023. godine**

Mart, 2023. godine

**ZAPISNIK S 32. SJEDNICE GRADSKOG VIJEĆA ZENICA,
ODRŽANE 30.03.2023. GODINE**

Sjednica je počela s radom u 10.15 sati.

Sjednicom je predsjedavao Semir Huseinović, zamjenik predsjedavajućeg Gradskog vijeća Zenica, koji je, nakon uvodnog pozdrava, konstatovao da 32. sjednici Gradskog vijeća prisustvuje 26 vijećnika. Odsustvo s današnje sjednice najavio je predsjedavajući Gradskog vijeća Mirza Husetić zbog neodložnih poslovnih obaveza.

Vijećnik Šerif Patković najavio je kašnjenje na sjednicu.

Za 32. sjednicu Gradskog vijeća Zenica predložen je sljedeći dnevni red:

- 1. Zapisnik s 31. sjednice Gradskog vijeća Zenica, održane 09.03.2023. godine**
- 2. Vijećnička pitanja i inicijative**
- 3. Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica**
IZVJESTILAC: Emilija Pašalić, pomoćnica Gradonačelnika za urbanizam
- 4. a) Izvještaj o realizaciji Programa utroška sredstava iz Fonda za ekologiju za 2022. godinu**
b) Program utroška sredstava iz Fonda za ekologiju za 2023. godinu
IZVJESTILAC: predstavnik Sektora za ekologiju i komunalne poslove
- 5. a) Program mjera za utrošak podsticajnih sredstava u oblasti poljoprivrede u 2023. godini**
b) Informacija o realizaciji Programa mjera za utrošak podsticajnih sredstava u oblasti poljoprivrede u 2022. godini
IZVJESTILAC: predstavnik Službe za privredu, gradsku imovinu i upravljanje razvojem
- 6. a) Program mjera za utrošak podsticajnih sredstava namijenjenih za oblast privrede u 2023. godini**
b) Informacija o realizaciji podsticajnih mjera za unaprjeđenje privrede za 2022. godinu na području Grada Zenica
IZVJESTILAC: predstavnik Službe za privredu, gradsku imovinu i upravljanje razvojem
- 7. Imenovanje pet članova Gradske izborne komisije Zenica**
IZVJESTILAC: predstavnik Komisije za izbor i imenovanja

Za današnju sjednicu Vijeća predložene su dvije dopune dnevnog reda. Prijedlog vijećnika Denana Pašalića, u ime Kluba vijećnika Zenička inicijativa Kasumović Fuad, da se u prijedlog dnevnog reda za današnju sjednicu pod rednim brojem osam uvrsti tačka: Razmatranje problematike rudara zeničkih rudnika, prihvaćen je s 27 glasova „ZA“, bez glasova „PROTIV“ i „UZDRŽAN“.

Prijedlog vijećnika Elmira Duvnjaka za dopunu dnevnog reda tačkom: Revizija ugovora o pružanju komunalnih usluga preduzeća ALBA Zenica, prihvaćen je s 27 glasova „ZA“, bez glasova „PROTIV“ i „UZDRŽAN“.

Prilikom utvrđivanja prijedloga dnevnog reda, prihvaćen je prijedlog vijećnika Denana Pašalića za izmjenu redoslijeda tačaka dnevnog reda (zamjena tačke 2. i 7.), pa je u konačnici za 32. sjednicu Gradskog vijeća Zenica predložen sljedeći

D N E V N I R E D:

- 1. Zapisnik s 31. sjednice Gradskog vijeća Zenica, održane 09.03.2023. godine**
- 2. Imenovanje pet članova Gradske izborne komisije Zenica**
IZVJESTILAC: Denan Pašalić, predsjednik Komisije za izbor i imenovanja
- 3. Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica**
IZVJESTILAC: Emilija Pašalić, pomoćnica Gradonačelnika za urbanizam
- 4. a) Izvještaj o realizaciji Programa utroška sredstava iz Fonda za ekologiju za 2022. godinu**

b) Program utroška sredstava iz Fonda za ekologiju za 2023. godinu
IZVJESTILAC: predstavnik Sektora za ekologiju i komunalne poslove

5. a) Program mjera za utrošak podsticajnih sredstava u oblasti poljoprivrede u 2023. godini
b) Informacija o realizaciji Programa mjera za utrošak podsticajnih sredstava u oblasti poljoprivrede u 2022. godini

IZVJESTILAC: predstavnik Službe za privredu, gradsku imovinu i upravljanje razvojem

6. a) Program mjera za utrošak podsticajnih sredstava namijenjenih za oblast privrede u 2023. godini

b) Informacija o realizaciji podsticajnih mjera za unaprjeđenje privrede za 2022. godinu na području Grada Zenica

IZVJESTILAC: predstavnik Službe za privredu, gradsku imovinu i upravljanje razvojem

7. Vijećnička pitanja i inicijative

8. Razmatranje problematike rudara zeničkih rudnika

9. Revizija Ugovora o pružanju komunalnih usluga preduzeća ALBA Zenica

Vijećnici su se, zatim, izjasnili glasanjem o Prijedlogu Dnevnog reda za 32. sjednicu Gradskog vijeća Zenica, nakon čega je zamjenik predsjedavajućeg Vijeća Semir Huseinović konstatovao da je Prijedlog Dnevnog reda prihvaćen s 22 glasa „ZA“, bez glasova „PROTIV“ i 5 glasova „UZDRŽAN“.

Izveštaji sa sjednica komisija Vijeća dostavljeni su pred sjednicu.

Tačka 1. Zapisnik s 31. sjednice Gradskog vijeća Zenica, održane 09.03.2023. godine

U okviru razmatranja ove tačke dnevnog reda vijećnica Emina Tufekčić predložila je da se zapisnici sa sjednica Vijeća vode detaljnije ne samo zbog vijećnika nego i zbog javnosti. Vijeće se, zatim, izjasnilo glasanjem o Zapisniku s 31. sjednice Gradskog vijeća Zenica, te isti usvojilo s 27 glasova „ZA“, bez glasova „PROTIV“ i bez glasova „UZDRŽAN“.

Tačka 2. Imenovanje pet članova Gradske izborne komisije Zenica

Uvodne napomene za ovu tačku dnevnog reda dao je vijećnik Denan Pašalić, u svojstvu predsjednika Komisije za izbor i imenovanja. Komisija za izbor i imenovanja Gradskog vijeća Zenica Vijeću je dostavila izvještaj o provedenoj proceduri s prijedlogom rang-liste kandidata za pet članova Izborne komisije Grada Zenica prema uspjehu kako slijedi:

1. Muamer Kovać
2. Kemal Efendić
3. Suad Orlić
4. Bojana Primorac
5. Maja Paškalić

U diskusiji su učestvovali vijećnici: Namir Škaljo, Denan Pašalić, Emina Tufekčić, Emina Babić, Malik Ejubović, Ekrem Tuka, Halil Arnaut, Faruk Hodžić, Zeld Dizdarević, Osman Šuvalić, Elvir Purić, Elvis Alijagić, Nermin Mehić i Šerif Patković.

Za predsjednika Gradske izborne komisije iz reda njenih članova, na današnjoj sjednici Vijeća predložena su dva kandidata: Almira Baručija Kapidžić, prijedlog Komisije za izbor i imenovanja i Muamer Kovać, prijedlog Ekrema Tuke.

Po zaključenju diskusije, na zahtjev Kluba vijećnika Stranke demokratske akcije, zamjenik predsjedavajućeg Vijeća dao je u 11.44 sati pauzu u trajanju od 10 minuta, pa je sjednica nastavila s radom u 11.53 sati.

Nakon pauze, vijećnik Malik Ejubović je poslovničkom intervencijom predložio izmjenu redoslijeda tačaka na način da se nakon glasanja o drugoj tački dnevnog reda umjesto treće tačke razmatra tačka osma, koja se tiče problematike rudara zeničkih rudnika, zbog rudara okupljenih pred zgradom Gradske uprave.

Vijećnici su se najprije izjasnili glasanjem o Izvješčaju Komisije za izbor i imenovanja s prijedlogom rang-liste kandidata za pet članova Izborne komisije Grada Zenica, te isti usvojili s 21 glasom „ZA“, 8 glasova „PROTIV“ i 1 glasom „UZDRŽAN“, a zatim o prijedlogu Komisije za izbor i imenovanja za imenovanje Almir Baručija Kapidžić za predsjednicu Gradske izborne komisije Zenica sa 17 glasova „ZA“, 3 glasa „PROTIV“ i 9 glasova „UZDRŽAN“. S obzirom na to da je Vijeće usvojilo prijedlog za imenovanje Almir Baručija Kapidžić za predsjednicu Gradske izborne komisije, nije se izjašnjavalo o drugom prijedlogu.

Nakon glasanja, predsjednik Kluba vijećnika SDP Nermin Mehić predložio je da se predsjednici klubova vijećnika obrate rudarima.

Zamjenik predsjedavajućeg Gradskog vijeća Semir Huseinović u 12.00 sati dao je pauzu, radi konsultacije predsjednika klubova vijećnika.

Nakon pauze, zamjenik predsjedavajućeg Vijeća Semir Huseinović dao je na glasanje prijedlog vijećnika Malika Ejubovića za izmjenu redoslijeda tačaka dnevnog reda, pa su se vijećnici izjasnili glasanjem o navedenom prijedlogu i isti jednoglasno prihvatili s 27 glasova „ZA“, bez glasova „PROTIV“ i „UZDRŽAN“.

Tačka 3. Razmatranje problematike rudara zeničkih rudnika

Razmatranju ove tačke dnevnog reda prisustvovali su Sinan Husić, predsjednik Sindikata radnika rudnika F BiH, Zuhdija Tokić, predsjednik Sindikata Rudnika „Kreka“ i Elvedin Avdić, predsjednik Sindikata RMU Zenica. Vijećnik Denan Pašalić pročitao je prijedloge zaključaka predsjednika klubova vijećnika, koji su, u pauzi sjednice Vijeća, održali sastanak s predstavnicima sindikata rudara.

U kraćoj diskusiji učestvovali su vijećnici: Denan Pašalić, Šerif Patković i Semir Huseinović, zamjenik predsjedavajućeg Gradskog vijeća, a vijećnicima su se, također, obratili prisutni predstavnici sindikata rudara.

Po završenoj diskusiji, vijećnici su sa 27 glasova „ZA“, bez glasova „PROTIV“ i bez glasova „UZDRŽAN“ usvojili sljedeće zaključke:

I - Gradsko vijeće daje podršku rudarima Rudnika mrkog uglja „Zenica“ d.o.o. – Zenica u njihovom nastojanju da se status rudnika i njihov status riješi u što kraćem roku.

II - Gradsko vijeće daje saglasnost Gradonačelniku i gradskoj upravi da u što kraćem roku izvrši deblokadu računa Rudnika mrkog uglja „Zenica“ d.o.o. – Zenica.

III - Gradsko vijeće upućuje zahtjev Vladi Federacije BiH, Federalnom ministarstvu energije, rudarstva i industrije i Upravi Javnog preduzeća Elektroprivreda BiH d.d. Sarajevo da u roku od 30 dana iznađu rješenje kako bi Rudnik mrkog uglja „Zenica“ d.o.o. – Zenica izmirio svoje obaveze prema Gradu Zenica.

Nakon treće tačke dnevnog reda zamjenik predsjedavajućeg Vijeća Semir Huseinović je, na zahtjev Kluba vijećnika Zenička inicijativa, dao pauzu u trajanju od pet minuta.

Tačka 4. Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica

Nije bilo potrebe za uvodnim napomenama.

U diskusiji niko nije učestvovao.

Vijećnici su se izjasnili glasanjem o Prijedlogu Odluke o utvrđivanju prosječne konačne građevinske cijene 1m² korisne stambene površine na području Grada Zenica i isti jednoglasno usvojili s 24 glasa „ZA“, bez glasova „PROTIV“ i „UZDRŽAN“.

Tačka 5. a) Izvještaj o realizaciji Programa utroška sredstava iz Fonda za ekologiju za 2022. godinu b) Program utroška sredstava iz Fonda za ekologiju za 2023. godinu

Uvodne napomene za ovu tačku dnevnog reda dali su Elma Alić i Haris Alić, predstavnici Sektora za ekologiju i komunalne poslove.

U diskusiji o ovoj tački dnevnog reda učestvovali su vijećnici: Amel Šišić, Šerif Patković, Namir Škaljo, Elvis Alijagić, Denan Pašalić, Emina Babić i Emina Tufekčić. Vijećnik Šerif Patković predložio je da se u narednom periodu Vijeću dostavi informacija o zagađenosti zraka, tla i vode s akcentom na informaciju o instalaciji postrojenja za smanjenje emisije štetnih čestica.

Vijećnica Emina Tufekčić predložila je održavanje tematske sjednice na temu ekologije, te da se u izvještaju za naredni period Gradskom vijeću dostave konkretniji podaci, očekivani rezultati, odnosno rezultati Programa utroška sredstava.

U raspravi su, također, učestvovali predstavnici Sektora za ekologiju i komunalne poslove, koji su odgovorili na pitanja vijećnika postavljena tokom diskusije.

Po zaključenju rasprave, vijećnici su se izjasnili glasanjem o Izvještaju o realizaciji Programa utroška sredstava iz Fonda za ekologiju za 2022. godinu i isti usvojili s 20 glasova „ZA“, bez glasova „PROTIV“ i 6 glasova „UZDRŽAN“, te Programu utroška sredstava iz Fonda za ekologiju za 2023. godinu i isti usvojili s 23 glasa „ZA“, bez glasova „PROTIV“ i 3 glasa „UZDRŽAN“.

Tačka 6. a) Program mjera za utrošak podsticajnih sredstava u oblasti poljoprivrede u 2023. godini
b) Informacija o realizaciji Programa mjera za utrošak podsticajnih sredstava u oblasti poljoprivrede u 2022. godini

Uvodne napomene za ovu tačku dnevnog reda dala je Senada Sejmenović, predstavница Službe za privredu, gradsku imovinu i upravljanje razvojem.

U diskusiji su učestvovali vijećnici: Šerif Patković, Denan Pašalić, Ekrem Tuka, Halil Arnaut, Elvir Purić i Nermin Mehić, te Senada Sejmenović dajući odgovore na pitanja vijećnika postavljena tokom diskusije.

Po zaključenju raspravi, vijećnici su se izjasnili glasanjem o Programu mjera za utrošak podsticajnih sredstava u oblasti poljoprivrede u 2023. godini i isti usvojili s 25 glasova „ZA“, 1 glasom „PROTIV“ i 1 glasom „UZDRŽAN“, te Informaciji o realizaciji Programa mjera za utrošak podsticajnih sredstava u oblasti poljoprivrede u 2022. godini i istu usvojili s 21 glasom „ZA“, 1 glasom „PROTIV“ i 4 glasa „UZDRŽAN“.

Vijećnici su, zatim, sa 17 glasova „ZA“, bez glasova „PROTIV“ i 9 glasova „UZDRŽAN“ usvojili prijedlog zaključka vijećnika Šerifa Patkovića proizašao iz rasprave:

Gradsko vijeće obavezuje Službu za privredu, gradsku imovinu i upravljanje razvojem da u roku od 60 dana pripremi materijal za tematsku sjednicu Gradskog vijeća na temu: Stanje u oblasti poljoprivrede s prijedlogom mjera za poboljšanje uslova za bavljenje poljoprivredom na području Grada Zenica.

Tačka 7. a) Program mjera za utrošak podsticajnih sredstava namijenjenih za oblast privrede u 2023. godini
b) Informacija o realizaciji podsticajnih mjera za unaprjeđenje privrede za 2022. godinu na području Grada Zenica

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici: Namir Škaljo, Emina Tufekčić i Šerif Patković. U diskusiji je, također, učestvovala Edina Hodžić, pomoćnica Gradonačelnika za privredu, gradsku imovinu i upravljanje razvojem, dajući odgovore na pitanja vijećnika postavljena tokom diskusije.

Vijećnik Namir Škaljo predložio je da se u Programu mjera u mjeri 1, koja se odnosi na podsticaj za prvi biznis, od predviđenog iznosa 100.000,00 KM da prednost IT oblasti sa iznosom od 10.000,00 KM, a u mjeri 2, koja se odnosi na podsticaj razvoja postojećih obrta, mikro i makro preduzeća, od planiranih 140.000 KM da se IT oblasti da prednost sa 15.000 KM. Služba je prihvatila navedeni prijedlog.

Po zaključenju raspravi, vijećnici su se izjasnili glasanjem o Programu mjera za utrošak podsticajnih sredstava namijenjenih za oblast privrede u 2023. godini s predloženom izmjenom i isti usvojili s 24 glasa „ZA“, bez glasova „PROTIV“ i 2 glasa „UZDRŽAN“, te Informaciji o realizaciji podsticajnih mjera za unaprjeđenje privrede za 2022. godinu na području Grada Zenica i istu usvojili s 23 glasa „ZA“, 1 glasom „PROTIV“ i 1 glasom „UZDRŽAN“.

8. Vijećnička pitanja i inicijative

Vijećnička pitanja su postavili, odnosno vijećničke inicijative podnijeli vijećnici: Elvis Alijagić, Elvir Purić, Mahdi Alić, Edisej Sjerotanović, Osman Šuvalić, Elmedina Hasanspahić, Ekrem Tuka, Kenan Alispahić, Mirzet Skopljak, Halil Arnaut, Vernes Menzilović, Amel Šišić, Nermin Mehić, Emina Babić, Sefedin Hrustić, Emina Tufekčić, Zelda Dizdarević, Namir Škaljo, Malik Ejubović i Šerif Patković.

Vijećnik Elvis Alijagić postavio je vijećničko pitanje: “U kojoj fazi je izrada Elaborata o geološkim i geomehaničkim karakteristikama tla, koji je potreban u svrhu kompletiranja dokumentacije za građevinsku dozvolu za rekonstrukciju nekategorisane ceste u naselju Donji Vukotići i kada mještani naselja Donji Vukotići mogu očekivati predmetnu građevinsku dozvolu?”, te podnio inicijativu za uređenje prostora ispred kompleksa zgrada u Donjem Klopču, koji bi se koristio kao sportski poligon.

Vijećnik Elvir Purić ponovio je raniju inicijativu za postavljanje rasvjetnog stuba i nekoliko rasvjetnih tijela u ulici Sejmenska na potezu između džamije Sejmenska i OŠ Edhem Mulabdić.

Vijećnik Mahdi Alić podnio je dvije inicijative: za rekonstrukciju ulice Gradac u naselju Hamida i proširenje parking prostora u ulici Crkvice od broja 26 do broja 32. Vijećnik Edisej Sjerotanović postavio je vijećničko pitanje: “Molim da mi se dostavi informacija šta je do sada učinjeno i u kojoj je fazi rješavanje višedecenijskog problema mještana MZ „Orahovica“ i dijela MZ „Nemila“, a koji se ogleda u izgradnji novog ili sanaciji postojećeg podvoznjaka?”, te podnio dvije vijećničke inicijative: 1. za ugradnju usporivača brzine i postavljanje zaštitne ograde na dječjem igralištu u naselju Mokušnice i 2. za rekonstrukciju dječjeg igrališta u naselju Nova Zenica.

Vijećnik Osman Šuvalić postavio je dva vijećnička pitanja. Prvo vijećničko pitanje se odnosilo na realizaciju inicijative koju je Gradsko vijeće usvojilo Zaključkom broj: 01-45-25775/22, donesenim na 27. sjednici Vijeća održanoj 15.12.2022. godine, a drugo na iznalaženje mogućnosti za smještaj romskih porodica privremeno nastanjenih na adresi Kanal 34. Također, podnio je inicijativu za izradu i usvajanje akcionog plana za rješavanje problema Roma na području grada Zenica u oblasti zapošljavanja, zdravstvene zaštite, obrazovanja i stambenog zbrinjavanja, te inicijativu za donošenje odluke ili drugog obavezujućeg pravnog akta od strane Gradskog vijeća, kojim će se nadležna gradska služba obavezati da snosi troškove sahrane svih lica, uključujući i Rome, čije porodice nemaju sredstava za pokriće troškova sahrane ili se radi o licima bez porodice. Vijećnica Elmedina Hasanspahić postavila je dva vijećnička pitanja. Prvo se odnosilo na zahtjev za ponovno postavljanje ležećeg policajca na lokalnoj cesti u MZ “Babino”, kod škole na skretanju za Drugavce, a drugo na zahtjev za postavljanje zaštitne ograde u dužini od 300 metara u Biškovićima, MZ “Babino”.

Vijećnik Ekrem Tuka postavio je vijećničko pitanje Gradskom pravobranilaštvu Zenica i Službi interne revizije: “Šta je konkretno poduzeto po inicijativi od 04.07.2019. godine u vezi sa zaštitom imovine i imovinskih interesa grada Zenica?”, te podnio inicijativu Službi civilne zaštite o raspisivanju Javnog poziva za raspoređivanje na dužnost članova i rukovodica Zajedničke službe zaštite i spašavanja Grada Zenica.

Vijećnik Kenan Alispahić postavio je dva vijećnička pitanja. Prvo vijećničko pitanje Kenana Alispahića se odnosilo na zahtjev za rješavanje problema pristupa zgradi na adresi Prve zeničke brigade broj 11. Drugo vijećničko pitanje Kenana Alispahića odnosilo se na izgradnju dijela saobraćajnice u MZ “Raspotočje”. Vijećnik Mirzet Skopljak podnio je inicijativu za rješavanje prioriteta MZ “Vrselje”, koji se tiču putne infrastrukture i vodosnabdijevanja u navedenoj mjesnoj zajednici, te postavio vijećničko pitanje u kojoj fazi je izrada projektne dokumentacije, odnosno novog elaborata eksproprijacije zemljišta u cilju izgradnje puta pored Pošćanske rijeke prema Pojskama.

Vijećnik Halil Arnaut podnio je inicijativu za rekonstrukciju dionice lokalnog puta u MZ “Seoci” u dužini od 550 metara, od naselja Jezer, pa pored mjesnog mezarja do džamije, te inicijativu za obezbjeđenje parking prostora u krugu Kantonalne bolnice Zenica.

Vijećnik Vernes Menzilović podnio je inicijative za: 1. izgradnju novog mosta preko rijeke Bistričak za naselje Smajići, 2. asfaltiranje dijela puta u Mjesnoj zajednici “Kovanići”, u dužini od 900 metara i 3. nastavak asfaltiranja puta Begov Han – Pepelari.

Vijećnik Amel Šišić podnio je inicijativu za rješavanje problema nedozvoljenog parkiranja u ulici Begagića put, te postavio vijećničko pitanje koje se odnosilo na produženje gradske saobraćajne linije Kanal-Bolnica.

Vijećnik Nermin Mehić postavio je vijećničko pitanje, kojim je predložio smjenu Jasmine Gasal sa pozicije direktorice JU Predškolski odgoj i obrazovanje Zenica.

Vijećnica Emina Babić podnijela je inicijativu za dodjelu jednokratne novčane naknade za svako novorođeno dijete u gradu Zenica, odnosno za majku porodilju u iznosu od 250 KM, retroaktivno od 01.01.2023. godine, te inicijativu u vezi s problematikom neriješenih imovinsko-pravnih odnosa na glavnom prilaznom putu prema zgradama u ulici Hadžije Mazića put broj 16.

Vijećnik Sefedin Hrustić postavio je pitanje vezano za eksproprijaciju zemljišta u svrhu izgradnje saobraćajnice za naselje Hrustići.

Vijećnica Emina Tufekčić podnijela je inicijativu da se za zaposlenike gradske uprave, javnih preduzeća i javnih ustanova organizira obuka iz znakovnog jezika, te inicijativu da se na sjednici Vijeća, u aprilu ili maju, razmatra tačka dnevnog reda: Sigurnost žena u lokalnoj zajednici, te da se na istu sjednicu pozovu predstavnici Ministarstva unutrašnjih poslova ZDK, JU Centar za socijalni rad Zenica, nevladinih organizacija, kao i eksperti/ice iz ove oblasti i drugi relevantni predstavnici lokalne zajednice.

Vijećnica Zeldi Dizdarević podnijela je inicijativu za sanaciju, odnosno totalnu rekonstrukciju Titove ulice.

Vijećnik Namir Škaljo postavio je dva vijećnička pitanja: prvo, u vezi s neažurnošću informacija o sastavu Gradskog vijeća na web stranici Grada Zenica i drugo, vezano za javnu rasvjetu na području MZ “Mošćanica”.

Vijećnik Malik Ejubović podnio je inicijativu da Grad Zenica u narednom periodu pokrene sufinansiranje bezglutenskog brašna za oboljele od glutenske enteropatije, odnosno celijakije ili sličnih oboljenja.

Također, prenio je pitanje vijećnika Faruka Hodžića, koje se odnosilo na kriterije za dodjelu priznanja od

strane gradske uprave za učešće u akcijama spašavanja u Republici Turskoj. Vijećnik Šerif Patković postavio je pitanje: Da li postoji studija uticaja na okoliš izgradnje koridora Vc kroz Grad Zenicu s akcentom uticaja na okoliš u području Nemile?

Tačka 9. Revizija Ugovora o pružanju komunalnih usluga preduzeća „ALBA Zenica“

Uvodne napomene dao je vijećnik Elmir Duvnjak, u svojstvu predlagača tačke dnevnog reda.

U diskusiji o ovoj tački dnevnog reda učestvovali su vijećnici: Denan Pašalić, Nermin Mehić i Elmir Duvnjak.

Po zaključenoj raspravi, Vijeće je s 24 glasa „ZA“, bez glasova „PROTIV“ i „UZDRŽAN“ usvojilo zaključak:

I – Traži se od preduzeća „ALBA Zenica“ d.o.o. Zenica da Gradskom vijeću dostavi izvještaj o poslovanju.

II – Zadužuje se resorna služba da Vijeću dostavi Informaciju o ugovorenim, a neispunjenim obavezama preduzeća „ALBA Zenica“ d.o.o., kao i ugovor između Grada Zenica i „ALBA Zenica“ d.o.o. Zenica.

Sjednica je zaključena i završila s radom u 17.20 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

ZAMJENIK PREDSEDAVAJUĆEG
GRADSKOG VIJEĆA
Semir Husinović

